

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.11.2017թ. թիվ 1707148129 որոշումն անփոփոխ, իսկ վարչական բողոքն առանց բավարարման թողնելու մասին

<< 12 >> 12 2017թ. 17-4-22 484-12 / 17-4-1512

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Թամարա Մատգկինի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ա.Խաչատրյան փողոցի 2-րդ շենքի 22-րդ բնակարանի բնակիչ Թամարա Մատգկինը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 21.11.2017թ. թիվ 1707148129 որոշումը՝ նշելով, որ տվյալ հատվածում բացակայել են արագությունը սահմանափակող ճանապարհային նշանները:

Դիմումի քննարկման արդյունքում պարզվել է, որ վարչական ակտը՝ վերանայելու հիմք չի կարող հանդիսանալ, քանի որ Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության էկոնոմիկայի նախարարության չափագիտության ազգային ինստիտուտի կողմից, և դրանց արձանագրած արագությունը համապատասխանում է տրանսպորտային միջոցների փաստացի արագությանը, իսկ ճշտության կարգը (սխալանքը) չի հանդիսանում արագաչափի չափագիտական բնութագիրը, այլ նորմատիվ փաստաթղթով սահմանված առավելագույն սխալանքի արժեքն է, որը չի կարող ազդել արագաչափի փաստացի արձանագրած արագության ստույգության վրա:

Դիմումատուին վարչական պատասխանատվության ենթարկելու մասին որոշման հիմքում դրված լուսանկարում նշված և տեսանելի է տրանսպորտային միջոցի **երթևեկության գոտին, ուղությունը, չկան երթևեկությանը մասնակից այլ տրանսպորտային միջոցներ, ինչը չի կարող կասկածի տակ դնել իրավախախտումը հենց այդ՝ PONTIAC մակնիշի 32UL189 հաշվառման համարանիշի տրանսպորտային միջոցով կատարելու փաստը:**

Բացի այդ, ՀՀ ոստիկանության ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան - Սևան - Իջևան - Ադրբեջանի սահման միջպետական ավտոճանապարհի 80.5 կմ-ին տեղադրված արագաչափ սարքից առաջ 3.24 <<Առավելագույն արագության սահմանափակում>> (70կմ/ժ) և (50կմ/ժ) ճանապարհային նշանները տեղադրված են ՀՀ կառավարության 26.10.2016թ. թիվ 1699-Ն որոշման պահանջներին համապատասխան՝ երթևեկության մասնակիցներին տեսանելի վայրում:

Այսպիսով, դիմումատուն 08.11.2017թ-ին, ժամը՝ 10:01-ին, Մ-4 ավտոճանապարհի 80.5 կմ-ի հատվածում երթևեկելով 86 կմ/ժ արագությամբ, թույլ է տվել սահմանված արագության գերազանցում, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 26 կմ/ժ-ով, որը նախատեսված է <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 2-րդ մասով, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 21.11.2017թ. թիվ 1707148129 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Թամարա Մատգկինին և ՃՌ ՏՄՀԽԱ կենտրոն:



Ե. Կարամանյան